

KJARASAMNINGUR
milli
VM, félags vélstjóra og málmtæknimanna og Rafiðnaðarsambands Íslands
vegna starfa við fjarstýribúnað í Stjórnstöð Landsnets
og
Landsnets hf.

1. gr.

Síðast gildandi kjarasamningur framlengist til 31. janúar 2014 með þeim breytingum og fyrirvörum sem greinir í samningi þessum.

2. gr.

Við samþykkt samnings þessa greiðist sérstök eingreiðsla, kr. 50.000, hverjum starfsmanni í fullu starfi sem er við störf í maí og miðast greiðslan við fullt starf í mánuðunum mars-máí. Starfsmenn sem létu af störfum í apríl fá hlutfallslega greiðslu miðað við starfstíma í mars og apríl. Starfsmenn sem hófu störf í apríl eða fyrstu fimm dagana í maí og eru í starfi í maí fá hlutfallslega greiðslu miðað við starfstíma í apríl og maí. Starfsmenn í hlutastarfi fá greitt hlutfallslega miðað við starfshlutfall. Greiðslan skal innt af hendi eigi síðar en 31. júlí 2011.

3. gr.

Laun og launatafla hækka sem hér segir:

- | | |
|------------|--------|
| 1.6. 2011: | 4,25%. |
| 1.2. 2012: | 3,5%. |
| 1.2. 2013: | 3,25%. |

Aðrir kjaratengdir liðir taka sömu breytingum hlutfallslega á sömu dagsetningum, nema annað sé sérstaklega tilgreint í samningnum.

4. gr.

Desember- og orlofsuppbót

Desemberuppbót miðað við fullt starf er sem hér segir:

Á árinu 2011 kr. 82.775.

Á árinu 2012 kr. 85.672.

Á árinu 2013 kr. 88.456.

Orlofsuppbót miðað við fullt starf er:

Á orlofsárinu sem hefst 1. maí 2011 kr. 82.775.

Á orlofsárinu sem hefst 1. maí 2012 kr. 85.672.

Á orlofsárinu sem hefst 1. maí 2013 kr. 88.456.

Sérstakt álag á orlofs- og desemberuppbót 2011


Á árinu 2011 greiðist sérstakt álag á orlofsuppbót, kr. 10.000.

Á árinu 2011 greiðist sérstakt álag á desemberuppbót, kr. 15.000.

5. gr.

Grein 2.1.4. orðist svo

Við 55 ára aldur eiga starfsmenn, sem starfað hafa a.m.k. 15 ár samfellt við framleiðsluvakt, rétt á breytingu á fastri vinutilhögun sinni þannig að næturvöktum fækki um 50% miðað við


JMS
KPS

8 tíma vaktir eða 33,33% miðað við 12 tíma vaktir, enda komi á móti samsvarandi vinnuframlag.

6. gr.

Ýmis ákvæði

Eftirtalin ákvæði úr kjarasamningi SA og aðildarsamtaka ASÍ dags. 5. maí 2011 verði hluti samnings þessa:

- Ólaunaðir frídagar á ferðum

Aðilar munu jafnframt fara yfir önnur ákvæði í kjarasamningi ASÍ og SA og færa inn í kjarasamning aðila eftir því sem við á.

7. gr.

Samningsforsendur

Verði gerðar breytingar á samningsákvæðum eða samningstíma á grundvelli forsenduákvæðis í kjarasamningum SA og aðildarsamtaka ASÍ, dags. 5. maí 2011, skal það sama gilda um samning þennan.

8. gr.

Afgreiðsla kjarasamnings

Tilkynna skal um afgreiðslu kjarasamninga fyrir kl. 14:00 föstudaginn 22. júlí.

Reykjavík, 4. júlí 2011

F.h. VM- félags vélstjóra og málmtæknimanna

*Sonja R. Baldursdóttir
Halla Þorlaksson*

F.h. Rafiðnaðarsambands Íslands

*Kristjan Þóðór Snæbjörnsson
Ómar M. Kristjánsson
Jóhanna Þórssen*

F.h. Landsnets hf.

Erika Ásóður Ólafsson

Bókun um viðbótarmenntun

Landsnet hf. mun meta að hvaða marki viðbótarmenntun vélfræðinga og rafiðnaðarmanna, sem sérstaklega nýtist í starfi, geti leitt til launahækkunar. Starfsmaður sem aflar sér slíkrar viðbótarmenntunar getur óskað eftir viðtali um breytingar á starfskjörum. Bókun 2 með samkomulagi dags 17.05.2005 fellur jafnframt úr gildi.

Bókun um slysatryggingar

Samningsaðilar munu á árinu 2011 bera ákvæði kjarasamningsins um slysatryggingar saman við kjarasamninga VM og RSÍ við önnur orkufyrirtæki og meta hvort ástæða sé til samræmingar.

Eftifarandi bókanir eru úr gildi fallnar:

Bókun með samkomulagi dags. 24. mars 2000
Bókun 1 með samkomulagi dags 2. Júní 1998

KBS
